

乾初先生遺集

乾初先生詩集卷八

海寧陳確著

族允孫敬璋編校

七言律詩二

春夕與同館講杜詩隨各分韻余尋藍字

子亥編年
又見沈氏

本

春郊平遠碧於藍日暝花香慰盍簪舊讀杜詩繙更好老為

狂論恣無慙胡姬是處留邛落蜀相今誰臥州菴

本選是夕
所論即明

妃邛諸葛
祠二篇也

旅館寂寥歌再闋一庭明月下樓南

偕同館重尋顧青城顧上玉叔姪水居

編年
氏本

又見沈

自慙塵世一間身，敢向仙源再問津。
客不通名常徑進，花曾識面倍相親。
乾坤畫裏三三月，童冠風前六七人。
池上乞君留片地，天涯容我作新鄰。

歸家 編年

煙艇迷離入舊邨，敗籬斜竹黯銷魂。
妻孥兩地雲千嶂，童僕三春州一園。
細雨閉門書卷亂，繁花映閣酒杯溫。
墮然徑醉忘人事，明日天晴不可言。

春雨

竹扉斜掩悄離羣，亂艸深苔染綠裙。
短髮幅巾雲閣闕，破牕

書卷雨紛紛一春人事渾難憶徹夜檐聲不可聞翹首曉天
猶有望天桃南陌正如焚

晨炊

編年

又見沈氏本

邨雨沉沉州沒墀小詩吟罷憶晨炊綆枯甕散春江遠
龜濕薪猶午餉遲籬下土高知伏筍菌生石罅似靈芝
搜求野菽猶勞瘁慙媿尋常肉食兒

許元忠閔歸

編年

又見沈氏本

韓愈元忠先生官

心幹實事惜世亂不展其蘊棄官
通歸隱居翠薄山不與世通聲聞

三年仙縣夢魂中白首還家山萬重邦國崩分悲魯政君臣

揖遜咲唐風，隻身鞍馬髀。無內滿目親朋，髻兩蓬。憔悴故園
花尚好，春來杯酒幾人同。

東隅子曰：第
二聯謂隆感。

其二

春山日日雨模糊，劇亂何堪久道途。滿目烽烟兼盜賊，一江
波浪共妻孥。客囊零落殘書卷，園樹欹斜黯畫圖。相見宛然
如隔世，小詩吟罷復狂呼。

梁谿唐有功，父子別五年矣。丁亥三月初九載酒遠過
晤于東坨。

念載交游半故人，五年阻絕更傷神。豈知樛塢連旬雨，忽載

梁谿滿甕春短髮細添新白雪破袍深積舊黃塵友朋今夜
猶杯酒父子明朝又水濱

後茂堂集序書懷

數解輕衣灑緒言漸憎苔滑掃棋根披離釣歌聞時課淒淡
鐙殘醒後魂長寄廣菴堪促席恰通孤棹豈容軒風期落落
將迎懶斜谷深谿鹿護門

拜山樓見月有感

入春人事太忽忽廿日回塘遽復東忽見好山因婦病可憐
明月滿花叢當樓夜色如清晝擁樹寒雲接遠空莫訝愁多

耿無寐此身還是夢魂中

咏襟限韻編年 又見沈氏本

處士家風正寂寥一庭殘雪覆檐茅
虛月夜窺鄰影水動霜晨挂屋梢
國色自蕪林下味素心欲訂歲寒交
清香隔院嘗吹徹午日悠悠韻遠郊

萬古樓晤鴛水屠閻伯并訂後期

編年 嘉興府志屠
旌字閻伯嘉興人善

事母隱居講學脯脩之入軌以周宗鄙故常至空園楊
園先生題其郊居詩云霍原六聘山生先三詔洞漁子
定迷津只莫桃花艷

明月臺前萬古樓百花深隱護宗邛
文牕畫擁昨宵醉詩卷

春開近日愁化外冠裳山俗異病餘膚髮賤儒留相逢未信
非真夢恍惚還思後約不

秋興八首

編年

又見沈氏本

余嘗謂少陵八篇後人不當儼作蓋少陵秋興遂成絕唱
後來雖工不能追矣其不當儼一也又觀少陵集中可題
以秋興者更不下數十篇而八篇之中亦有可以不名秋
興者於時秋也故以秋興命篇自可一可二亦可九可十
偶以八止豈有成心而後人遂奉為額式不容增損失詎
甚矣其不當儼二也戊子八月同人祝二陶許永潭諸子

檄書來徵嚴立程限余雅不欲違初心又會有移居之事
遑遑未有以應而移文督促迫然後應之其前五篇黃山
寫中作也後二篇移歸泥橋作也末一篇洄塘館中作也
詠非一時而地凡三易強而合之曰秋興八首亦足明其
不敢儼作之本意矣

清谿綠樹古階東短褐黃髭晚照中萬里雲山一茅屋百年
身世兩飄蓬嶺風似箭吹天黑海月如盤映日紅忽意中秋
是令節故交零落酒杯空

終年漂泊不知窮，小閣時時對遠峯。
鼓桂再三開未已，疎楓一半色先濃。
日高助婦舂新穀，風過隨僮一作掃落松人事。
因循成晚出，東郊月黑尚携筇。

東隅子評曰：逆致如畫。

其三

天清日薄正愁人，顛顛中原戰壘新。
英布九江終叛楚，尉佗七罷尚欺秦。
雙橋野店無行旅，獨樹遙邨少比鄰。
雲水蒼茫

歸計亂西風，回首欲沾巾。

東隅子曰：寧南晚年雖跋扈，以馬

當時遂有不臣之目三句一聯似為此君而發。

其四

飄風豁豁撼危樓，竟夜無眠動百愁。
遠客經年終困頓，故人垂老尚幽囚。
更無後進思宗國，勝有新書譯滿州。
何處人間能駐足，烟波天際一漁舟。

本建老友張石渠因繫未釋故篇中感慨及之

其五

長愛溪南看秫田，晴峯歷歷布袍前。
芙蓉零落秋原靜，澹菼參差晚市鮮。
客病忽驚將暮歲，吾癡猶信是豐年。
一樽莫忘山中約，九月霜紅漱野船。

其六

歲晚移家嶺樹西，碧湖秋漲野橋低。
入門處處惟荒艸，伴我

年年一病妻塵突不通烟縷細
蒿園初闢菜苗齊昔時鄰老
幾人在隴首斜陽蓬杖藜

其七

天涯寥落幾相知白首依依喪亂時
松月夜淡溪上石荷風
秋老竹西池狂言鹵莽全无忌
正事蹉跎共有規一別空山
驚歲晏蒼葭溜水不勝思

其八

三清樓閣迴洄塘病眼時時一悵望
寂寞乾坤秋雨後蕭條
民物夕陽傷
霜畦狼藉喧鷄鶩梧院凋殘冷鳳凰
白首無能

何所用只應莫益老滄浪

酬徐季嘗用來韻

己丑

編年

又見沈氏本

窮老衡茅未覺愁
閉門隱几亦千秋
五車書盡教兒讀
一斗酒曾與婦謀
明月欲來花寂寂
暝烟不散鳥啾啾
無端春雨
洄塘竹外頻添問字舟

裕菴小憩

庚寅六月十二日

編年

又見沈氏本

松菴積雨斷行人
又是初晴景物新
河水到階白潏潏
園蔬繞屋綠蒸蒸
終朝無事若皇古
長夏多陰似晚春
一覺風前禪榻穩
如何車馬洛陽塵

忌日〔本注〕吾父以庚午九月十九日去世 編年

風雨蒼蒿淚已橫
況堪羸疾痛先靈
昏迷幾使遺歸日
魂夢如聞說與齡
半世負心惟有恨
廿年轉眼不勝情
病餘猶足三冬用
夙夜何能報所生

近思叔齋中又題

至冬前二日 編年

前一首見五言律

風物蕭疎已暮秋
到來齋館更清幽
疏窗小几同鷗艇
明月中庭似虎邱
守樹香楸二百个
乞鄰美酒兩三甌
病夫樂此忘歸去
負杖高吟何所求

壽韓道謙五十

元廷十月廿四日 祝髮後又号道謙

〔瑣案〕道士韓養元

老僧五十體逾強，頰瘦顴高骨法蒼。善事日多安可記。

本注吾嘗

許其作傳未遑也

福緣無盡，豈能量那知。堂上爭高座，且向山中引。

滿觴勸爾百齡方，戒酒急須莫趁初霜。

游天開圖畫次元人韻

（本注）三月廿六日時友人張松民携酒至，編年入辛卯。又

見沈氏集

市帘西盡破山山，僧院棋聲許扣關。

（本注）棋僧醒然吾寧第一手也。

頓覺

身游塵世外，却忘人在畫圖間。

元作好畫，隔川分半幅，閑房背日隱千間。

拏雲嶺

樹春深暗覆屋，藤花雨後殷。張仲豈煩更膾鯉，若為飲至起。

衰顏

（本注）益調其勝也。

東垞歸舟有述

正韻

壬辰正月二十七日

編年

霜鬢新年復幾莖春風昨日五噫亭入雲松嶺青相疊待月
榑邛白欲平慷慨樽前真醉語飄零河上又浮生蹉跎人事
深堪詫岸草萋萋十里橫

即日又同張尹來入山兼訂後晤

癸年

又見沈氏本

清晨洞口始歸來仙棹何緣尋再陪青眼對君憐弱柳白頭
如我妬殘棋宵懷已盡癡還訴山席猶溫笑更開溪路分明
恍可憶漁郎此去未須猜

奉送尹來以不知山路故泥我同行

同談觀若張尹來許大辛許欲爾五噫亭看棋有懷陸

子麗京即席同賦用陸韻

見沈氏本

靜志居詩話談

留心國史攷證崇朝寔錄寶訓博稽諸家撰述於萬歷後尤詳号為國樞中年燬于火乃復沈思強記覆閱羣書詢之故老墨枯筆先脫克成編州志文苑傳遷始名以訓字孺木初為諸生不屑場屋之僻陋而好觀古今治亂尤注心明朝典故於是汰十五朝寶錄正其是非補其缺文成書名曰國樞或聞有是書思竊之以為己有夜有盜入其室盡發藏稿以去遷喟然曰吾手尚在寧遂已乎從嘉善錢相國龍錫借書復成之陽城張太宰慎言膠州高相國宏圖皆以遷為奇士其在南都欲薦為禮部司務遷力辭亡何太宰相國相繼死遷亦棄諸生北走昌平哭思陵西走陽城欲哭太宰未至卒丙申十一月也

暇日尋樵上翠微山亭猶是主人非

李廷構亭者為故許給諫

天涯詩興

皆楊倅海內才名僅陸機花密未防僮折減酒深還訟客斟

稀可容醉後驕貧賤回首乾坤幾布衣

五噫亭席上酬陸講山扇頭韻

編年 又見沈氏本

東垞

補注亦叶宅見文貞仲先生題畫詩

西泠盡採薇安知人世是還非紫桑

處士新逃酒

本注怨其不與山亭之會

抱甕先生久息機四海一瓢塵界

濶十年三賦雅音稀

本注尹來稱麓京近年絕不作詩忽辱投贈

莫言採藥徒游

戲古學黃農此紹衣

真悒于曰陸適跡于盤

又次麗京韻謝其末句之意

見沈氏本

長年飽食愧山薇回首真成事事非敢向先生聞道學還從
孩子治心機兩湖社業慵全廢四海朋儔老漸稀邗野農閑

奚所務春風日日舞萊衣

伯兄壽室初成值庭中牡丹盛開喜而賦詩命和一首

編年

散帶衡門且自寬新詩洒洒杖藜間百年一椀度高閣三月

繁花如

元作單

小山青眼故人長對酒白頭兄弟共衣斑太平

有日優黃耆歲歲春風醉牡丹

過蕭山晤徐乾六兄弟

編年

又見沈氏本

浙江通志漢餘暨縣孫吳政永興唐置

蕭山今屬紹興府

故人牢落尚荒城何事相逢涕淚橫四海兵戈移里巷千秋

節烈失師生衣冠今日吾知賤然諾當年爾不輕同學弟兄
皆老矣可能強健俟昇平

八月十五瑛綸閣社集和從吾道人詩用原韻

續年
又見沈

氏本嘉興府志董溪字復宗海鹽人與沈周孫一元
交最善家徒四壁日放浪山水間年七十執經陽明先
生門下其友人咻之不聽曰吾自從吾所好耳遂自号
從吾道人州志儒林傳溪字子濤別号蘿石徙居漱浦
少慷慨慕義晚而聞道所學甚粹嘉靖甲午卒年七十
七

對湖漠漠隱漁舟萬里晴光靄素秋浙水午聲來石枕越山
曉色入溪樓道尊百代還遺像客盡三吳豈浪遊舊德我懷
蘿石子月明詩思滿汀洲

真旦

天涯落日竝扁舟月湧寒潮海國秋逸少豈懸書誓墓仲宣
眞欲賦登樓當年有客還高會千載何人續壯遊寂莫乾坤
吾輩在釣竿長把綠陰洲

即日過老友董昭遠又用前韻

見沈氏本

昔歲曾期訪戴舟隔年相過又中秋稜稜病骨豁邊杖靄靄
歌聲竹裏樓細雨爐香甜一枕浮生樽酒惜重遊話深不覺
山邛暮月色紛披蘆荻洲

竹節冠成戲用前韻

續年

又見沈氏本

可憐身世一浮舟子作輕舟鬢髮蕭疎欲傲秋自脫緇冠長學圃

每搔白首獨登樓凌霜愛爾山中節暇日便吾物外遊急往

東園尋桂約側弁還許嘯滄洲本注韻苑老人招我云東園桂花已開二日矣東隅子

評曰
瀟灑

秋日飲葆光居

本注時同談觀若許大辛惟大辛尋歸山談與予不能也戲題一律次扇頭韻

西風丹桂小亭初樽酒蕭疎山下廬可笑一軍爭出馬頻令

舉座嘆無魚

本注席上遺一魚其味甚美莫敢先啖乃共以拳賭之余幸獲雋

繫余獨醉慚

遺履及爾同歸懶上車世事不須頻感慨只應通作絕交書

祝眉老齋中書感編年見沈氏本

天涯形影竝初鰥母老兒癡絕可嘆薄歲盡殮當日暮衰年
衣絮及秋寒木棉花熟家家杼桂樹香清夜夜欄白髮定知
添幾丈脫冠林外笑相看

題永安湖社集

嘉興府志永安湖在海鹽澉浦鎮西六

嘉興府志永安湖在海鹽澉浦鎮西六

嘉興府志永安湖在海鹽澉浦鎮西六

里本田澹為湖以渚水資灌溉置閘蓄洩雨久瀾浸東
入于海湖上四圍皆山号小西湖

葺山講堂春尚在邪谿美人秋可憐

本注昔人以歌湖比西
湖儼于西子則邪谿之

西非吳宮之西子也此許
同翁先生語為千古定評

清風明月爾主樽酒琴書我欲財

鷹嶺雲開千丈旭鼉江潮落五更天新來會得無言意一笑

拖筇出晚煙

題蔣園

（奉送）北門外 編年

郊園寂莫自藩籬野客披雲試一窺
檣樹豈同奴子懶美容
眞有美人姿方塘明月涼秋夜曲徑清風動晚時閒却主人
无箇事婆娑亭下泛瑤卮

龍山社集

（奉送）尋去年南湖之約也即席一首 見沈氏本

漱漱論交又一年小山黃菊尚霜前
松楸百代還杯土瓢笠
半龕自洞天酒禁苛煩循舊約文誅逋員得新篇浮生去住
渾難定風雨寒塘滯客船

癸巳正月同漱湖吳仲木較山陰先生遺書於古小學

漫賦編年 又見沈氏本

藹藹春暉愔越城先生木主書堂清

見作

儒風自昔推東浙

聖學從今邈大明千載知音吳季子四時禋祀魯諸生

本注時值

諸及門春祭諸生自魯國之邈並不赴試

乾坤獨我羞慚甚潦倒年華學未成

謁大禹陵

編年

又見沈氏本

浙江通志大禹陵在紹興府城東南會稽山側有禹廟

夏王遺廟柏森森艸莽書生肅拜心萬國衣裳留斷碣六陵

風雨共悲吟峰迴南鎮雲相護水出東江澤正深太息勤勞

吾輩事誓從衰老惜分陰

釋四句元作鎮連衡嶽雲相護水接閩江澤正深嘆息風流陶太尉

敢從衰老

索分陰

再游雲門書感 并序 編年 又見沈氏本

宗禎癸未之秋同祝子開美從山陰先生讀書於此今十年矣師友既皆殉國而寺僧亦往往謝世悲感之餘援筆賦此同遊者為劉伯繩吳仲木林慎脩

學道山中又十年重來不禁淚潸然劫餘六寺新封增夢裏孤亭舊講筵愁見宋碑支白日欲登秦望問蒼天浮生幾度還携伴宛轉耶溪雨後船

本述有宋欽宗大書傳忠廣考之碑向蓋以大殿今圮

題廣孝寺呈三目和尚 編年 又見沈氏本

五色雲開古道場目師重上具師堂檐間花影春泉沸樹裏

鐘聲午飯香日暝遊人迷澗谷夜深禪語雜風篁勞生何事
忙辭去魂夢時應繞上方

耶溪道中邀仲木同作 正韻 又見沈氏漆

幅巾野褐及春融百折耶溪信脫風兩岸依依隨處竹羣山
歷歷舊時松蒼茫禹穴書還秘彷彿桃源記未工只有君詩
摩詰似若為寫我畫圖中

五游西谿詩 并引 編年 又見明詩歸及沈氏漆

憶自崇禎丙子春有四游西谿詩從此遂不復游已十八

年矣

和集作二十三年
誤今依元福政証

今年二月偕仲木由雲門歸復尋

舊遊慨然有述

山陰

秦望歸來興尚賒幅巾筇杖又天涯

明詩綜作入山陰

迷離不記前

朝路寂莫還開古寺花春水橋邊雲萬樹晚風亭外月千家

可憐潦倒吳公子頻道西溪勝若耶

李逢永興寺有綠萼二大樹人皆說為宋物

西湖書感

編年

又見沈氏本

西湖春望不勝嘆死轉南城牧馬遮三竺雲封迷客屐六橋

苔滑躡行車泉聲自咽忠臣廟州色全荒處士家痛哭孤山

徐孝子虛亭寂寂檢棋花

是日謁六忠祠弔徐敬輿之喪

山陰歸別吳子仲木

編年

又見沈氏本

嚶嚶鳴鳥午風前此日慙歌伐木篇豈有編摩酬往哲只將
行李累時賢棋花爛漫山中屐竹影參差溪上船迤邐歸來
春正好衰殘何以答盟言

清明後十日牡丹未開用韻

編年

又見沈氏

虛檐長日望青森未解新來造物心從哭介推還改甲可知
杜甫不留吟庭花覓主春相亂山月無朋夜自深國色定教
終一過莫因遲暮怨春陰

賀許欲爾宋犀盃兩次過盜不失用韻

編年
氏卷

又見沈

道盃猶記紹興年老眼摩看倍黯然叔莫淮陰曾伴釣

從淮

陽先生罷官帶歸

殷勤溪閣舊登筵重雷未失曾孫老一笑還誇中

聖天留與湖

亮作空

山長作鎮夜淡相泛月明船

改肇五清明後作起結

十日春煙暖未成藥欄悄絕不勝情吉祥寺後荒煙斷興廢
池邊蔓艸橫國色總堪陪夕輦芳心未肯訴流鶯尋常桃李
芳非盡獨爾遲回殿洛城

補裕菴社集

編年

又見沈氏本

桑麥清和四月天游筇歷歷出邛煙小菴竹色連鄉鎮古墓
溪聲靜野禪異代尚能弛學禁衰年還欲戒賓筵殷勤重訂

南湖約坐下何人繼昔賢

山居即事

編年 又見沈氏本

暇日秋林借一枝桂香寂寂靄亭池故人携手初涼候病女
關心不寐時風雨空山僅去久兵戈滿路客歸遲

本詩二雅
至自杭

閉門齋沐書三易階州欣然欲變蒼

簡謝吳仲木冠杖之惠

編年 又見沈氏本

竹冠藤杖兩龍從荒州蘿邊賜野翁杖自天台山窟裏冠從
闕里畫圖中蕭疎殘髮年未盡擾攘塵寰路未通忽拜長牋
慚欲或候人還擬賦曹風

酬同年友韓子有五十壽詩用來韻

本注子有盧龍人
寫越編年又

見沈氏本

白髮蕭疎意轉舒
乾坤浩蕩盡吾盧
若耶水鑄雙龍劍
委宛山開五帝書
洞口已傳非漢代
海濱還擬是周初
側身長向關門望
紫氣東來萬丈餘

其二

長憶相逢廿載前
東新關外艸芊芊
可憐萍遇三千里
遂爾瓜分一百年
老去未宜須藥物
別來又幾變桑田
尋常樽酒君休詫
定有人間問渡船

臨平道中讀吳仲木日譜次譜中詩韻甲午 編序

春湖春水路悠悠剩有新編散客愁羣從風流昏羯末

譜載其諸

又洵羣季慶和詩皆佳什也

幽居禮節亦言游瑕玼日去還相戒藥石年

來更屢投長恨吾衰追未及看君如踞百層樓

寫湖上同仲木書懷又用前韻 編序

孤舟風雨夜悠悠正是君愁我亦愁歲事忽從忙裏去春湖
誰擬病中游蕭條旅舍炊難熟踳躅侯門刺未投今日那能
思往日一樽吾欲醉南樓

和仲木偶至湖上 編年

浩蕩乾坤未有家天下
涯共爾逐飛花
羈懷欲訴還憑酒
客夢無成又聽茄
晚浦樓船彌岸州
春城宅第滿田瓜
百年人事誰堪憶
便擬優游老歲華

西泠獨步和仲木蕪懷龍山諸子

三月三日本誌時余在海昌道中

氏本

禊日辭君湖水濱
孤舟寂寂渡芳春
西泠把釣還憐爾
北固

題詩轉問人

本注時有海客題金山寺詩傳詠戴路予未謂能

風雨僧寮情尚舊
兵

戈客路禁逾新

本注仲木菴湖寺以連日門禁不尋入城而予歸海昌稍暮亦投宿北門外惜字卷中

山中定有流觴者
列坐懸知盡隱淪

候仲木不至次湖橋夜坐詩韻

題沈氏本

天涯游子豈勝嗟
猶自隄橋玩物華
春雨滿湖啟道冷
晚風削岸破帆斜
舊疴未盡還為客
新月將盈不到家
龍竹山深饑可共
遲君歸煮澗中沙

韻彙樓漫賦

本送時主人將復為東明之行 見沈氏本

三十年來此舊遊
乍涼扶病復登樓
狂言欲戒還須發
倦臥忘歸豈待留有子
有孫憑白首無賓
無主任科頭
荆榛滿路君安往
只合婆娑老故邱

次韻酬來成夫

編年 浙江通志 來蕭字成夫 蕭山人 居貧所儲圖史外 惟瓶盎十餘 貧未鹽

紆絮於其中每出行書衣筆囊手自持抱十歲出試即
冠軍尋舉舉業為詩古文詞始以博大自喜好為瑰奇
個儻之語已又力退先秦索尚與行有北沙集藏于家
少嘗游對峩山之門峩山曰子獨者也蓋有所不為云

昔日西陵尚有却對江風雨一蓬門愁中歲月厨煙冷夢裏

乾坤海氣昏

冠作中年舊業青山
冷萬里長虹白日昏

澤近麻溪流未遠人歸峩

嶺道長存十年同學睽違甚

冠作洞
雲盡

幾度相思欲斷魂

見沈
氏本

其二

萬里中原野霧冥寂寥吾鄙幸同醒稜稜傲骨支天地熒熒
雄文動斗星家室枝梧逢儉歲山川憔悴抱遺經生平欲識

原夫子有日擔簦拜州亭

見沈氏本

秋日登尊經閣 編年

岩堯虛閣倚層城萬卷空留劫後名漫說華夸同血氣却憐
人士共經營西風鈴鐸聽還響東海朝宗望欲平恍爾一登
渾似夢白頭慚媿舊諸生

韻莊樓又題

編年

又見沈氏述

暮雨昏昏客未回小山欹閣轉悠哉君因老去分禪座我以
愁來寄酒杯青史古今安可問白頭朝夕豈須催清歌漫引
當年事為爾臨風弄晚哀

海國

本注七月十二受風潮作

編年

又見沈氏述

海國風潮最可憐，田廬宛轉越江邊。飛空浪雨情還潤。

本原江邦

湖上常不雲而雨，益浪雨也。

入枕濤聲夜未眠，魚鼈尋常游巷市。蛟螭頃

刻變山川至今父老驚，前事腸斷思陵御極年。

本建宗禎元年七月廿三

日延江上下淹萬餘戶，死者數萬。

中元後連夜都司嶺看月。

五臣自十六至十九見沈氏本

秋林雨歇淨無埃，夜夜山頭看月來。松徑客迷初似曙，石床僧臥久如雷。雲歸夜壑吳航沒，天盡寒江越嶠開。河漢橫斜人獨坐，却憐綺閣夢初回。

候考夫不至即事書感

本三月十八日編年又見沈氏本

五更雷雨撼茅茨，正是愁人不寐時。
蠶火銷沈田婦淚，龍湖寂莫野臣悲。
朱櫻有夢登春薦，白髮無心失曉炊。
最是隴雲撩亂甚，直教何處望天涯。

喜老友東隱翁歸山賦寄

編年

又見沈氏本

亂離辛苦各天涯，此日誰能不憶家。
暮雨江邊人望堠，曉風城外客聞笳。
百年老友同衰病，四月荒園滿落花。
知爾踈來愁正劇，稚孫迎笑釀新茶。

龍竹墳看桂呈祝二陶兄弟

見沈氏本

龍竹山溪

元作前

路逶迤

元作欲

桂香松影綠垂垂，碑殘

見作未

未

字下是
朝字否

蝕前

元作先

字墓老

元作法

還堪百世師

本法自和靜菴先生而
下三世並依周禮族墓

烈祖風流餘仰止

元作清風
歸淡漠

元孫忠節動悲思

本送恫吾嗣
友關美

音更有君兄弟鴻羽翩翩並可儀

丙申元旦壽吾母九十

編年

又見沈氏本

艱難辛苦獨吾親
荏苒流光又九旬
日暝茅堂年始旦
風迴蘋渚酒初春
早慚兒輩斑衣戲
重怪孫行白髮新
盡室歸農慈母意
惟持菽水不知貧

母壽辭親知賀貺

編年

又見沈氏本

長年奔走曠晨昏
此日尤慚罔極恩
碧雪川原新歲月
清風

閭巷舊兒孫紛紜口食愁千拍勞苦躬耕愧一門敢爾丁寧
辭寵錫州疏何以荅姻昆

壽沈三叔七十

長憶當年老表親太平無事往來頻此時極盛惟諸叔今日

推尊第一人檜藹疎林忘晚歲蘭滋寒谷覺回春

本注叔素
惠與子家

為宗人所奪垂
老復連舉數雄不須臆目語家難滄海青青幾見崖

其二

十畝閑閑久未親那堪垂老把鋤頻中遭劇難緣何事再造
勤勞尋幾人日轉榆桑還復旦歲殘松柏自長春眼前七袞

尋常甚會看新駒盡絕塵

其三

蕭疏堂上白頭親長共羣龍下食頻卷土重來歸舊主蒼天
還自佑仁人庚寅始降惟今夕甲子從周又十春小子不辭

遙獻壽題詩渾欲絕纖塵

本注叔來命確曰欲尋子新詩他人以燕句辱我勿顧也

病中辱徐邈思屢顧無惠新詩依韻送別

枉駕寒廬復幾巡新詩濯濯出風塵鳳林自昔多才子鷗海
於今狎異人室豈馬卿長臥病交從鮑叔久知貧艸蔬未對
看君別漫說年來只任真

病中夢訪劉伯繩世兄因寄編年 又見沈氏本

年來心事託郵封，跋履艱難恨萬重。
家自亂離還州別，身從老病轉疎慵。
望迷澤國三江雨，聽斷雲門六寺鐘。
惟有夢魂常往返，夜深浪黑怯魚龍。

病起書懷

新來携杖試蓬門，往事淒涼不可論。
一枕荒荒淹白晝，數杯寂寂耿黃昏。
衰年勞苦愁兄姊，本述並異居數
里外時過訊慰薄暮倉皇愧友昆。
更有淡心堂上母，中懷百結口無言。

簡答東隱 見沈氏本

歲晚中峯正掩扉

本注東隱久逃禪近亦以老病閉關

懷人何事更依依棲林

野鶴憐同瘦渡海雲鴻悵獨歸

本注屢書遠訊病未能谷

薄暮風聲方緊

急殘冬日色轉霏微扁舟小阮寒塘路辛苦遠山報曉惟

本注

來書云不必作答阿咸歸可尋子近狀阿咸即吾甥八公也

至日

見沈氏本

長至溷娑現上居一隨時祭展先祠微軀始與陽同復緩步

初從日共遲家禮不苛衰病後

本注是日緩祭余未能拜

親心正繫晚寒

時

元作階下綠衣真淡浪樽前白髮正垂垂

關河此夕稀行旅何事歸舟又遠移

本注母念確寒途

欲留宿竟辭歸

卷八

七言律

二十二

卷八霞軒鈔本

乾初先生詩集卷九

海寧陳確著

族兄孫啟璋編校

七言律詩三

夏日侍母用禾兒韻

月中 編注

五月邛居綠蔭偏，慈親舉止自僂僂。每拋竹杖從閑步，頻弄牙牌遣晝眠。長日卮堂絕塵俗，晚風疏圃摘清鮮。頑兒殊未

諳聲律，強欲歌詩頌大年。

本注母嘗愛舉牌義，風示確輩謂牌專取人和，不就者絕无私與。

乃所以為和也，小不同大不同，正以不同為同也。餘蓋取和同之義。

新孫 璋是年二月二十五日長孫克也註

新孫語笑亦粗能弄向高堂喜不勝

元作聊與高堂堵寢興

百轉鶯聲

嬌未已幾番雀踴墮還仍幽居六月清無暑却甕經旬百更

澄膝下幾人同白首萊衣時復溷玄曾

元作舜斑吾欲傲玄曾

病夫

編年

又見沈氏本

顛顛秋林一病夫支離竹杖賴相扶瓶罍久罄渾無耻書卷

全拋轉自娛花檻月高吾欲臥蓬門日上吏爭呼茫茫天地

愁何限且爾優游作老逋

本逋比來貧極公私之負彌多

秋夜讀家集漫書

編年

又見沈氏本

何事清秋臥不成白頭長念厥初生學歸皇宋還騷雅

本注宋處

士菊磻
先生

人至胡元盡耦耕

事注先世無一人仕元者

渤海雄風千古蹟

潁川新譜列朝聲只今簪紱累疊者誰向澶淵續舊盟

章憲家傳高公諱翁宋武烈王瓊七世孫字九萬一字衍孫行百五十六南渡居越之餘姚少穎拔不羈好讀奇書自以宋室懿親抗志勵節既屢試不偶且察朝廷無恢復意遂絕意進取隱居教授名所居曰信天巢日惟以詩自娛孝宗朝累徵不起即所居賜号菊磻處士仍手書資之晚愛巖門山水與子鄉貢達士道隆遺馬浮祐元年卒年七十二空抗之葛嶺談家山八世孫諒贊海昌陳氏其後遂蒙外姓

雨阻山園漫興兼懷東隱

題沈氏本

白髮無眠悵獨興

元作自
憂興

溪雲圍閣正層層歸心一夜愁難

任酒力連朝病豈勝烟際又開前月桂天涯幾杖

元作
仗

去時

藤西風吹客無情甚腸斷山中瘡後僧

贈張亦五邑侯

見沈氏本

白頭懶散負年華長恨從前隔絳紗
枳棘偶時辭彩翰甘棠

頻

元作
終

歲護繁花一泓寺水流還止

本逢乙酉之夏張解職
投天寧寺河居民力拯

昇
免

九柯山雲夢已賒

本佳張辟難
許山數月

此日逢君天所賜未應類

虞苦思家

元作臨風何
事苦思家

其二

何事相逢淚暗流見君如見我林侯
福寧城下竟誰訴

本注
子野

先生戰
歿於此

秦駐谿邊節尚留昔去但聞風兩袖
今來惟有雪盈

頭干戈滿路秋將盡腸斷天涯一敝裘

沈玠撰傳林逋字子野号耻齋侯官人宗正癸未進士知海寧縣性澹泊厨舍蕭然部民訴事或對簿必告勉如賢父兄久之民以及訟庭為耻與士大夫交遊真率無岸谷然莫敢干以私去之日民追呼號慟數十里始返公至家寄書有云寄言父老休相念我死魂猶到是鄉寧人見者無不墮淚公歸黃冠州屨授生徒自活又逾年某月日語其徒曰我今日身歿所矣具衣冠赴兵而歿

東渡書感呈劉伯繼世况

元百新正十一日又見沈氏本

編年

白髮摧積一老翁自慚無面見江東路從昔日仍胡馬客向

新年又朔風祠廟晚寒蒼寂

元作雲

講堂春閉雨濛濛

元作

草草

故人愁病今何似聞道相思夢屢通

本送伯繼病不寢踰年近稍假寐

同徐徽之兄弟游何伯興東臯別業漫賦

天涯兄弟一扁舟，寂寞寒塘溯晚流。
十畝桑閑塵外徑，一池水浸月中樓。
松經百折還青項，楫及初春盡白頭。
知爾清標俱不減，若為攜卷老菟裘。

集中野州堂感賦呈州堂主人兼寄史孔裁長兄

子五日

見沈氏本

正韻

（詳案）丁酉之役詳見公春游記

天涯風物近初春，明鏡湖頭訪隱淪。
四海弟兄同亂世，千秋

人杰

冠作道傑

竝高鄰，水心菴外流還止。

（本注）先生辟難投水處

野州堂前

月正新，白首蹉跎誰似我，下愚何以答殷勤。

題韓子有棲居 見沈氏本

僊閣春開最上層
山翁無事日閒凭
雲嵐西繞連三浙
風雨南來自六陵
客邸長年惟對酒
人間元日更懸燈
兵戈海內還兄弟
頭白相尋復幾登

西渡書感

編年 又見沈氏本 元廷輓 監體

望京門外雨糝糊
垂老棲遲此復過
沙際昏昏胡騎滿
天邊

濼濼浙潮多風飄
旅索愁春波
雲裏征裳傲晚波

本注久客不能催轉

而江人畏兵絕元機
船待者裹裳竟渡

迢遞昔年江上路
舊游零落悵如何

本注

自癸未八月同祝子開美繼與吳
子仲未問學山陰今无復存者

補壽沈朗思兩尊人六表

元注

二月六日。尊人字龍錫編年又見沈氏本

君家兄弟竝神仙，綵服雙依具慶前。世外元作晨昏安菽水

壺中

元作關中

日月變桑田，聖慈合共巢。媯壽遺軼寧知魏，晉年

小子後來容，下坐關門紫氣正連綿。

本注朗思寓北關門外

酬谷大師

并引題沈氏啓

丁酉二月廿四，母請僧衆禮梁皇懺於沃雪菴，確勿能勸

止，因攝拜焉。累日晴暢，羣情豫悅，漫賦一章。

谷師七十會登場，法語如雷徹上蒼。曉月丰規催梵鼓，晴雲

五朵覆齋堂。天心若共人心悅，母壽還同佛壽長。小子那能

酬錫類

一作龍錫

辨香憑爾答空王

荆隅子評曰次聯景物如畫

答黃山劍安

并引

編年入戊戌

劍安嘗有躬耕之志確有意成之非諷歸里也新詩見投次韻奉答

安公面目本猶人為甚年來漸失真五世通家同燕翼千秋宗事想龍鱗天涯豈必維桑舊春雨從看野州新一畝閑田耕且盭只教青海任揚塵

長夏篇酬祝鳳師通家

本生時鳳師手先集見示年又見沈氏本

編

長夏荒邱靜欲禪沉沉檐雨壑茶煙桂稜隔歲香於芥棹水

經旬百似泉三世交遊惟我老兩家子弟只君賢尋常過從
非無事血淚猶看清一編

春正書感寄祝眉老

編年入己亥
沈氏本

又見遺老高風及

天涯牢

子作
論

落近何如山月山樵約屢通十八里橋春水隔

環

案自袁花至泥橋凡十八里故里人謂之十八里泥橋

三千丈髮曉霜枯蒼天頻歲摧

二作

同氣老母餘年並一孤

本註眉老母八十有四吾母九十有三而確與眉老之兄弟皆

哉

四人今獨確與眉老在耳

腸斷北園荒草沒殯宮塵滿穴黠黠

本註眉老父兄之喪

皆殯北園未塋

碑案

祝譜士瞻公守範生四子長炯文字光侯邑廩

生天資俊朗為文頃刻萬言光焰驚人父早世事母

孝能養志見義勇為收藏圖籍甲于一邑生萬曆庚子卒順治乙酉年四十六次錫文字夢得邑庠生戊子副榜天性孝友為文洒洒曠曠獨以意行所著甚富表弟朱朝瑛為序而傳之生萬曆乙巳卒順治己丑年四十五三洵文字眉老号稼軒邑增廣生生萬曆丙午時年五十四季栢文字季寧府庠生生萬曆己酉卒順治戊戌年五十

登黃山嶺閣

編年入庚子

高閣巋然舊魯靈重摩老眼望蒼冥越山天杪澄初露浙水
風高撼遠星繞坐白雲如可掬當軒明月若為停數聲清磬
希鏗爾獨有橫霄野鶴聽

重游真如寺

并序

編年

又見沈氏本

余先伯仲自天啓癸亥歷崇禎間歲聚生徒講習於此余時亦預焉計三十有八年矣時序既移垣篳寂然金蘭摧謝良為愴然而枕濤生方列菩提諸勝宋梅橫浦先生讀書臺靈石靈泉為題示同游並留詠焉衰拙未能也聊述之篇端以當畢賦云耳

菩提古刹儼崢嶸靈石靈泉舊有聲處士山中花更老狀元臺上月空明他年遺墨慙蟲鳥累葉橫經痛脊令白首重來無限恨可憐林谷自嚶鳴

簡友戲成

六月晦日

編年

又見沈氏本

人間襍穢莽呼門寂寂仙爐藥正芬再世弟兄猶有我百年
交友豈忘君待林秋月將成魄守戶晚風漸解熏不是此翁
相愛甚那科容踞老松靈雲

訪庚友董治升見以二子因屬以詩

編年

我習為儒未是儒君求釋理定何如信心羣妾同參久弄掌
雙珠小學初老去齊年還有幾秋來暇日偶相於兒童轉眼
輕吾輩看爾誰工闢佛書

訪曜公長老山樓次韻

第丑

編年

又見沈氏本

松風拂拂滿溪樓曳杖來尋方外游一鉢雲中歸暮嶺數甌

竹下煮春流不須問我今何代直欲從君老是邛二十年前

安國寺可憐還憶舊同仇

兼鵬子評第三聯曰如此方解對法

贈燕臺韓石耕

編年

又見沈氏

春來無事不相思窮海兵戈道路危白首重逢徒有恨丹心

並在竟何禪向余細譜愁中曲為爾輕開戒後棋讀罷新篇

腸欲斷天涯孺慕一何悲

七夕

見沈氏

天上佳期隔歲遙悠悠那得至今宵人皆乞巧穿新月我獨
如癡拜碧霄織女長年嗟漢廣耕夫適日痛禾焦若為盡瀉

件或是
禪字
之誤

禪

風雨書感

丑寅

編年

又見沈氏本

野人無事日積然長向邗南看蚤田終夏旱乾連昨歲入秋
風雨又今年愁來漫說寧遺世老去重教不信天徹夜危檐
吹欲墮白頭何計尋成眠

東隅子評第六句
曰我亦爾爾

世事

世事年來已絕奇天心日後竟難窺
新功漸熟惟師吏舊業連荒且授兒
不尋意時尋意失便宜處討便宜等閑道理
憑推擇恰好中間知未知

次易公懷林思明詩韻

編年

又見沈氏本

東隅子

曰海亭令林公諱瑩後殉難闕

中忠明想即其好

山僧無寐意偏長，秋夜懷人牕月涼。
丹桂昔知雙樹好，甘棠近報一枝香。
先師節義同天壤，故老傳聞盡渺茫。
白首通家誰似我，不才慙愧舊升堂。

尋曷公同訪董居士次曷韻

編年

又見沈氏本

昨日尋師到竹樓，今朝許我共郊游。
田看南陌雙岐瑞，溪溯東山第一流。
海內盛名皆上座，樽前衰疾伴荒邱。
莫嫌示景分儒釋，聞說同參半是仇。

訪桂董思東東樓旬日始盛開感賦

編年

又見遺老高風及沈氏本

董氏家傳世昌贊緒詞子庠名璜字嗣徽号思東邑庠
生生堂正庚午辛康熙乙酉

秋閣花繁耐不開故令白髮久遲迴病餘未厭寒宵話醉後

誰辭儉歲盃樹近百年高過竹香闌十里遠于楸老一作鬢

莫漫一作流連甚又是重陽令節來

次日同眉老曷公大辛過禪升家園看桂邊諸子同賦

限昨韻 編年 又見遺老高風及沈氏本 八月廿七日

秋林無處不花開日日相陪看幾迴笑向老參拈一朵強簪

衰髻遣餘盃輕風小閣香疑麝明月空山韻似棋坐客詩才

誰最健醉歸試州百篇來

其二

懷抱經旬曷乍開
杖藜花下故逡迤

一作步紆迤

瓶分月魄供蓮

一作禪

座塵拂天香落茗杯

一作榻觸天香落酒杯

杖閣曉攀堆寶鬢

一本

釋升雖已付
禪尚多少

齋廚晚摘滌

疑當作
作滌

羹棊山翁何事忙
投轄吾大

忘歸歸更來

後四句一作老樹色侵郊外稻
新英味奪鼎中
棋主人其更忙投轄明發天晴許再來

同眉老曷公過二許子家園看棊桂再用前韻

編年
又見遺

老高風及沈氏述

黃山山曲桂全開
看徧南園又北迴
冷浸蟾光凝夜坐
清分蟻色映秋盃
乍舒已近重陽菊
再發應隨十月棊
滯我白頭

潦倒甚負節何日賦歸來

暑老攜樽桂下謝賦再用前韻

九月朔日 編年 遺
老高風題云連日從暑

光山中看桂別去又移樽花下依韻賦謝 又見沈氏
本

仙種懸知落更開故人誰解去重迴風前共脫簪花帽石上

還攜釀桂杯閒却諸公

一作
白頭

長倚樹愁令

一作
頰數

少婦屢調楸

本注半歲中
辱再移樽矣

蒼茫夜色渾難辨洞口歸舟喚未來

一作憐君
病後歸舟

遠一辭渾
忘黑夜來

荒年詩

并引

諺云荒年不怕怕來年又云不怕荒年怕熟年皆刺骨語

也演為長歌以當痛哭

荒年不怕怕來年典盡衣資賣盡田去歲債期今歲滿新冬

租課舊冬捐

本注田已賣收

家家罄米仍無米

本注吃粳早償粳多佃戶有倍出之苦

色色沽錢不值錢

本注有半租無半值田主止有三分之收

翻道荒年容易過荒

年已過更堪憐

癸卯元日漫興 編年

歲朝無事雪紛紛潦倒衰翁飲乍醺學謝顏回年過半道漸
唐帝壽中分庭棹漸效頭鬚白園菜時餘齒頰芬盡說冬春
多瑞應許看萬戶穡連雲

寓樓書感

編年癸卯日記七月初三日
至硤寓李靜初山樓就凌員侯鍼灸初七日作書感詩

病夫憂旱不曾眠
曉閣南窗起拜天
心血久枯同逝水
頭鬚全白似荒田
人當七夕愚相乞
鬼近中元錢可憐
子弟未知

時事變豔歌還遶寺橋邊

本注是日演劇臺適當寫樓終日遊慧師所

秋夜漫成效唐人進退格

編年日記八月十二日作
遺老高風題作秋夜

風風雨雨不曾停
又是空却旅夜聽
宿火漸微吹更滅
薄云

初遣坐還醒
南瓜滿屋繩相撼
北牖臨床墜

元作屢傾

最恠老人頻待

子作望

旦鄰

元作寒

鷄啼徹未天明

連日飲花下書遺蒼老

編年日記自八月廿四日至九月初二日
遺老高風題云今

秋桂花最早且久予率諸子諸孫共十三人連日飲花
下惟恨眉兄不至小詩奉懷

桂園長趁稍園黃何事今年更蚤芳我老未除前歲病花深

還擁上旬香全家列飲人如堵越月忘歸我似狂

一作竟月
無歸客豈

狂獨有眉翁遲不至空留高唱閣東牆

本注思東云園中桂
自八月初六七已極

香至今
未斷也

酬眉翁見懷用前韻

滿年日記九月初八日作
沈氏體

又見

山桂方殘菊又黃故人攜伴攬羣芳羨君病

兼賜子曰
疑是瘦字

骨年

年健惠我新詩字字香砭俗正須良友力拜生翻效世人狂

置身自足雲霄上何用依回傍壁牆

武林謁姚邑侯

編年日記十一月二十四日入城二十八日謁姚邑侯同寫故也贈之以詩

州志名宦傳

姚燮字樂臣海門人副貢生順治十六

年任

重華遠胄道風尊精一心傳死尚存百里久違賢者路三年

還載直臣恩

本注順治十八年吾邑酷旱姚邑侯竟報全荒免糧一萬五千七百兩流免至康熙二年

天

涯朔雪青羶冷水閣春風絳帳溫慙愧白頭窮海士支離懶
散未登門

甲辰元日書感

編年又見沈氏本甲辰日記正月

初一日甲子大霧晴熱東南風主穀賤

早起占年過節之坎書感一首次樸翁叔韻

白髮凌晨起拜天甲辰人遇甲辰年青龍舊識教重憶黃石

新書問孰傳

本注易象正舉堯甲辰吳元年甲辰為說不知何指今又五甲辰矣

學豈留侯爭

辟穀節非介子斷炊煙

一作盡禁煙

饑荒無奈還祈歲屈拍勞生

幾悵然

宗祠即事

編年 又見沈氏本 璋蓋公於是日有辭族正帖見文集第十六卷

祠堂元日演宗儀白髮積然拜起遲袖底香煙紛道路廟檐
清靄晃郊籬祖宗德澤原千祀子姓衣冠又一時吾老豈堪
從執事敢因衰病乞恩私

七日大雪漫成

編年

艸堂風滿雪紛翻無米無柴自捨門宿鳥啁啾迷舊谷春牛

狼狽失歸却芸生未解人為貴疇錫空教壽獨尊誰念白頭

憔悴甚一編殘卷正黃昏

元注鳥遇雪則失食牛迎春而受鞭人亦同此飢疲了無生趣也

雪中書感

編年 又見沈氏本

風吹茆屋雪翩翩兀坐無言意惘然病餘書劄尋常債老去
兒孫未了緣世未迁人人迁世天寧違我我違天謀生自拙
何尤恣一笑誰知斷晚煙

乙巳元日過舊居書感

編年

甲辰人過甲辰年日譜新開第一編
羅羅曉煙却路迴融融
晴日艸堂偏諸孫笑語喧
屏蔽仲子音容宛几筵
白首重添

心上事幾回欲說復茫然

張元岵先生家庭棋極盛時與先生婆娑其下漫題

編年

又見沈氏本

庭花寂寂對春醪誰似先生風度高綠萼浩如千樹李紅棣
絕勝滿園桃嬌孫學語新鶯囀俚客題詩鉅鹿塵劇賞不知
僮睡覺入林明月又三篙

聞族父長生翁歸自粵已過嶺矣喜極賦懷兼慰樸叔

西河之痛

編年 又見沈氏本 家傳祖訓于殿桂字
長生号岱清郡庠生宗正壬午舉人癸未進

士歷任廣東高州府推官以子奕禧貴 贈奉政大夫
戶部郎中。之璉第二子恂永字裕功邑增生生宗禎

丁丑年康熙乙巳五月一日年二十九(璋)裕功公為
先高祖祇齋公仲元岱清公為構菴公同祖之弟

當年叔姪如兄弟盡日詩篇相唱酬
豈意微荒需國士頻令
宗社失名流炎秋歐粵千山騎靜夜
閩江萬里舟寄語西河
卜夫子定應投杖慰新愁

和眉老探桂山中之韻編年 又見沈氏

秋林無處不花鼓棹過南山又復東坐
雨前軒開陸博穿雲
淡塢逗孤筇殘英屢褪還芬郁老樹
初移更鬱蔥歸去霜紅
猶有約楓湖烟艇豈辭同

無錫高彙梅自黃山過訪喜次來韻編年 又見沈氏

天涯猶見古衣冠千里尋交夙所難
夜雨山中人共寂秋風海上客先寒
新篇乍喜三章法（本注）示律詩三首
舊學還愁百尺竿

本注示家學一帙

白髮滿頭誰更劇來朝落帽醉相看

早起書懷兼寄東林諸子

編年又見沈氏本九月十六日作

九月邇寒已朔風朝來簌簌滿蒿蓬
江田未穫潮還沒溪岸初平楫偶通
青眼乍時權縞紵白頭頻歲哭期功
春間定擬扶衰病倚杖東林聽發蒙

十一月二十五日早漫成

編年本注是日霜厚以寸加以重霧颯風寒威逼人

朝來霜氣滿空邛如剌老髡停夜被爐吹未活
隔年

袍絮貼無溫
倉河露輓憐
孱子城浦宵
晤憶穉孫寒
犬吠明何太
急里昏懷檄
又呼門

十一月十七日早漫作

丙午 [瑋] 瑋編年詩終于此篇
又見沈氏本

宿雪層層築井榦
小齋寂寂坐清寒
薄田遇歲翻成困
老病經冬轉不安
夙債漸稀惟翰墨
俗緣未盡只壺窠
可憐垂死還癡夢
桑興登游夜未闌

雪夜陪張石渠小飲

見沈氏本

艸堂二月小筵開
正是林風攪雪來
老別數年疑鬢髮
寒侵深夜恥瓶罍
紙窗木几虛相映
布被繩床冷共陪
辛苦艱難

成一寢又驚檐竹靜中摧

次韻答徐孝先

見沈氏本

每歎長年不自閒，病餘粗遣鬢全斑。
踈頑似我真，無有衰廢何人更往還。
殘卷久拋塵底架，孤筇空曳夢中山。
殘音乍喜來天外，讀罷新詩幾破顏。

壽張元始先生八十

見沈氏本

戊申

先生八十道彌尊，夙註義經更討論。
心薄漢儒何但宋，世傳家學又曾孫。
豐年預報三冬雪，元日初開百歲樽。
古不慶生惟慶壽，倘分斗酒醉齊髡。

命童子出羣杖杖之慨然有述

庚戌五月

見沈氏本

年來廢病隔人寰羣杖風流悉退閒
不逐勝游扶白髮却隨癡夢繞青山
晚留知過示骸外夙有名聲載籍間
本注並有傳記 歷生平恩舊在並從棄置吾何顏

辛亥元日

見沈氏本

白頭危困重堪憐猶自挨身天地間
終歲未離兒僕手百年又過父兄關
空庭乍掃三冬雪斗室初開一日顏
笑謝故人相賀意病閑曾似火逾閑

壬子元日

見沈氏本

天道茫茫竊自嘆我生何故太艱難
比來東海饑方甚老去西河淚未乾
穉子漫誇年始旦病夫翻覺歲逾闌
癡心莫問兒孫事回首榆桑日幾竿

雪晴補壽老友祝眉翁七十初度

乙卯十一月 見沈氏本

天涯氣誼憶當時如虎如龍死夢思
四海祇留雙白髮百年還幾退隨歲
豐好共蒼生慶雪滿爭傳郢客詩
自此人間諱有漢山翁笑道未聞知

補遺

鮑節婦詩

甲戌

別離生死積煩冤
熱血衝霄白日昏
旅館淒涼藏一老
閒時涕淚視孫孤
孫空名自古歸華閣
公道如今到幕門
邂逅相聞心膽裂
汗青千載照乾坤

代贈場司

東南民力正艱難
幸得逢君青眼看
知己天涯成寂寞
官滄海任浮湍
千江帆亂知商集
萬竈煙和識政寬
聖主待求鹽使者
水濱夢在下魚竿

社集枕濤庄次查封婁韻

十一月廿二日

日薄雲寒歲暮遲
山齋閒空叙相知
隔籬酒店呼能應
接戶

煙林畫更奇，移席軒前人。
醉後歸途山下月，明時來年三月。
滇茶發，再過拈題共賦詩。

遺大允病中

乙亥正月廿六日

寰間大業屬吾徒，矧作熙朝六世儒。
未肯一枝遺石曼，反將四壁病相如。
堂中老母能強飯，膝下諸兒喜讀書。
只此因緣已足樂，前身沈是北溟魚。

本注兄康節數中為魚因夢而感故以解之

帶書堂即席呈朗公普師

三月十八日

春晴問字每盈堂，楚楚庭垣意致蒼。
園植竹楸青雨後，家攜泉酒置書傍。
文無改樣元和句，教可仍吾古老方。
羨殺海陵

規制好恨余素業隔山莊

滇茶開東寄社中 廿一日

去年山館聚相知明月當頭醉別時曾約滇茶初放日即來
分韻共為詩名花厯亂爭春發好友栖遲阻昔期興至獨吟
陵谷應溪風林鳥自堙麋

韻彥樓

數年不到此山中綠樹清溪繞一宮壁上手書添幾種主人
頭髮已成翁歌喉久澁聲韻酒力相持我獨雄口口老松簾
外立夜深吟起一天風

元功淮上歸出扇索書成此

四月 璋案元功名不視
許淮陽先生長子

提劍出門心慨慷
征途白日滿豺狼
中年為客遭衰世
千里孤身返故鄉
旅邸悲懽憑濁酒
人情冷暖看空囊
相逢敢不為君醉
愛聽州官殺闖王

其二

空山碁子正相圍
忽道江淮客已歸
知己天涯增幾個
故園花樹綠成幃
林深風急吾來暮
坐久身寒酒力微
抱病出門無病返
醉看面色較前肥

和韓子有來韻
兼以遲之 卅二世

雲覆書窗沒州萊情思撩亂日悠哉故人江上連年別鴻雁
天邊寄信來晴海客舟當反照綠陰亭子正黃檝山蹊新潔
空開卷坐撫清流洗玉壘

其二

白絹斜封人寄來花牋側理自溪苔孝娥書法無新樣

(本注)曹娥

碑在上
虞縣

客子詩腸遠俗埃使我入山歌萊竹倩君出海訪蓬

萊

(本注)元五獨
往我不尋從

同歸仙侶安何處池上初增顏闔垓

過老董韻玆樓飯歸

無事山中每獨行故人亭館自幽清布鞵竹杖為僮僕綠樹

清溪代送迎息足亭中當飯熟歸途林外值天晴幾時再過
聞佳話看罷經書月二更

憶團瓢看雪之勝恚前詩未快乃更為之用東冬二韻

前詩見七絕

松巖晨氣逼穹窿僧舍山腰劈遠空亭外微聞林雪下人高
漸被竹煙幪杖頭礙屋驚檐鐸石竅含窗削嶺風冷竈煙寒
茶未熟佳篇已就付詩筒

其二

山僧歸去失前蹤古龍身西第一峯雲裏小舟却際動溪邊

老友巖頭逢風清如水澆空谷日薄生煙匿遠松屋後幾處
家消未盡明朝相約更携筇

殘冬客況

歲盡隨人作客遊霜風颯颯動危樓水澆布被先欺足風入
蓬牕獨上頭蚤起文成猶畏錄昨宵書亂未能收不如且向
西湖去買酒呼朋引數甌

題近思從父邨居

蕭疎邨舍隱洄塘秋水環門到野航
臨砌小齋供隱几隔河新圃看鋤荒
夕陽林外垂垂橘春雨樓深寂寂棠
十里城陰

歸路晚一燈清絕課諸郎

辛卯長至後一日集南湖瑤綸閣

癸卯年又見沈氏本
道老高風題云辛

卯長至後一日南湖社集似曷老社兄并賜報障

故人清興晚年同又是霜湖漾曉空雲岫梵音晴海外鹽州
官路靄煙中閑閑鷄犬皆仙種落落交遊盡古風何計覓三
君憑細語千秋大業渺難窮

其二

松陰漠漠覆祠堂殉國孤臣骨尚香吾道一時逢剝運天心
昨日見回陽葑一作風湖蕩漾飄鷗侶霜月高寒貼雁行藹藹

五雲江水上年來無處不美塙

宋生 吳錕齋先生曾停柩于此

壽從祖母吳太夫人七袞

丙申 家傳 祖苞字爾翔 號孝咸海鹽廩生萬曆己酉舉

人癸丑進士歷官順天巡撫都察院右副都御史累授大中大夫以子之達貴 贈光祿大夫官保禮部尚書

配廣西梧州府同知秀水吳照亮女封淑人 贈一品夫人

中丞聲烈著先朝太母恭勤豈憚勞三徙極邊從戰伐十年
辛苦補征袍母心未逐天星殞白髮長隨歲月高此日奉觴
人子意紛紛池上鳳皇毛

其二

聞道蓬壺日月長蚤從青海見塵揚太君自探千年策宗老

咸開七秩觴五世弟兄同上第

元作羣從弟兄皆錫末

一門叔父盡中

郎幅中野服吾何等慚愧婆婆組綬倘

乾初先生詩集卷十

海寧陳確著

族允孫敬璋編校

五言排律

秋夕過祝氏葆光居有感增和蔡養吾韻

瑟瑟秋寒夜茫茫夜晤時可憐叔喪偶

〔本注〕子葆

還念仲為羈

〔本注〕

仲伯歿甫期歲家殤兩幼兒

〔本注〕開美四孤已殤其二

何堪此劇難況復

世多危長病吾顏改久疎人事移烏陵陳仲業

〔本注〕余避亂秦裕遠隔母

兄時用心疾

黃絹蔡邕詩壯志空牢落餘生漸瘖癡蹉跎不足道

無語謝相知

〔本注〕蔡詩多相勗語塊無以副之也

夜茂堂集牌字限十韻

東游尋小憩蕭館麓池傍柳映澄川媚藤交幽嶼蒼冥昏此
弄釣憐近正攜觴微燭倦還炤薄蔬與更香鷗盟隕楫穩節
步斷蘿妨妙思箋驚雨繁愁鬢擁霜度楹隱梵聲磬披荔訝
仙裳抱子幾喧舞辭家每悵望盜盤檐下睡緩就洞邊行踈
節予誰奈危歌似楚狂

書贈丁二表孫便面

夙擅青箱業聲名足可誇百年隆禮樂六葉盛文華荒州猶
三徑遺書自五車魚從虛牖踴竹向水池斜負郭先疇在循

墻祖德賒開睢端相化棠棣爛庭花宴爾唯知學終貧不用
嗟儉勤似氏蹟恭孝魯侯家守定須兼初瑜寧未揜瑕風流
還遠古材藻黜淫哇俗罕一絲染身標萬丈霞春陰良所惜
天路待騶驂

六月六日終日偃臥自題

編年入乙巳

空却炎暑外疎竹野塘濱兀坐同蕭寺鰥居類道人童頑呼
未至良友約徒殷老去惟安病饑來敢怨貧藥鑪慵不理書
卷耗難親此外更何事遽遽午夢頻

乾初先生詩集卷十一

海寧陳確著

族元孫敬璋編校

七言排律

哭劉念臺師

乙酉 見沈氏本 明史本傳劉宗周字啓東浙江山陰人萬曆辛丑進士官至左

都御史乙酉六月不食歿學者稱念臺先生

百代斯文賴主張何當今日痛摧梁豈容元刃汚紫市還憾
姬薇誤首陽天使一時爭氣運人教萬古重綱常悲傷父老

新祠廟冷落生徒舊講堂仲夏見危先引決初秋聞訃尚疑

惶

本述先生引義在五月某日而七月初吾鄉猶訛言先生方率義師銳意北伐者

半千里內音書

阻三十年來睡覺長

本注丙辰年淑湖吳奉嘗夢先生題文信國句相贈寤知不祥去年三月吳縊

燕邸今年五月先生不食

重穴嵇山埋伯禹

本注先生曾遷司空而先世墳

墓俱在會稽山下

誰疆冀野佐皇唐

本注先生死而唐邸已正位矣

承家孔鯉終貧

困

本注先生家元擔石伯繩兄尤能固窮

尋道顏回蚤灰止

本注及門祝開美名淵先生最愛之

公時賸賸荒原愁不盡悠悠滄海恨難量漢廷封事推歌向

魯國傳經孰偃商

本注愧未能傳先生之教

學竝箕周寧忝聖言稱堯

舜且羞王累朝莫肯殫聰聽吾鄙猶望抹瞽盲大教屢煩床

損剝小疏頻辱篋輝煌疎慵禮節憐窮窘放浪形骸譽簡狂

上勇昔曾歲季路

本注余昔年有擊奸之舉先生諄諄致戒

下愚今遂棄陳亢

知春月隨東浙永作寒宵送北邙

本注今年正月十五公祝于渡江謁師廿一日別歸

不意遂成永訣

千歲巖前泉哽咽五雲寺後閣淒涼

本注先生常師發痾此山

恩獨自戀當日母老何能棄故鄉蕭館夢通心耿耿炎江塵塞眼茫茫亂離久未將菊束每向無人哭斷腸

哭徐聖儀十韻

編年入丙戌

又見沈氏本

天涯寥落幾相知此日何堪作死悲廿里送君荆棘路一朝

棄我亂離時文章賈傅才空負劍術荆卿數已奇

本注聖儀多不平頗

善擊劍

瘦影共疑新寫照高情常想舊臨池

本注尤工書

髮膚爾慰

參乎志辱齒吾悲白也詩

本注樂天哭微之詩曾用唇齒

冥冥豈忘前歲約

去冬聖儀急我二金約今
夏還及其未驗封歸之
嚶嚶忽斷蚤春詞

本注臘月序以
一詩見贈遂成

純筆
擁書齋閣長荒州背郭田疇半質剩兩載緹紫真幼女

十年梁孟竟瓊髮友朋慵劣慙元恃二作似門戶單虛嘆莫支

聞有閨中三月孕皇天可許是男兒

秋夕漫成

五寅七月廿三夜作
遺老高風下又有寄
眉老三字
又見沈氏本

秋來早暎迥郊原並海高鄉不可論他日桔槔天上轉本注七月

河竭絕
絕車聲
昔年黍肉夢中飡南山猶火添新戍東國魚鹽減舊

恩災疏屢謄真故事赦書數下竟空言京輸豈似邊輸急帝

勅無如郡勅尊三百圖差皆氣盡四千糧長又聲吞本注諫
追數年

前糧長不紳纓已揭營中債州野誰拯獄底冤何意白頭逢
止本年
世難那堪血淚迸黎元蒼蒼未必全聾聵更是風霾徹夜喧

乾初先生詩集卷十二

海寧陳確著

族元孫敬璋編校

七言絕句

過爾立山中

乙亥

秋來塵事亦紛紛且過山中與論文
恰值館僮研墨在待余
掬翰掃煙雲

其二

見沈氏本

竹樓高敞四窗虛明月清宵好看書
懷我不須煩致札松風
幾樹隔山呼

閒時偶筆

半生落拓少知音家計雖疎不賣文倦時臨幅張顛字讀罷
仍將茗火焚

薛評云半駘之音流于駘端有知我其天遊世
无悶之意

三塔僧亭吉子我題曰東坡三過煮茶亭

煮茶亭子已荒煙綠樹成陰半插天三過題詩前代事至今

分韻寫花箋

見沈氏本

其二

東坡三過未為多只是東坡兩字無五百年來亭子下不知
若个是名儒

其二

新茗春山正雨前古人曾此試龍淵一杯啜盡詩千首寫付

郵筒索和篇

本注為
字吉

寄程於正

長至前三日

見沈氏啓

為客江湖數十年蕭疎生計自天然只餘漢鼎千金值作伴
天涯不賣錢

其二

風塵落落孰為羣昔日南都尋過君一別五年音問隔紛紛
離緒遶寒雲

其二

聞君久已住西湖
屢有人來不寄書
入世已淡狂漸減
相逢應不似當初

其四

西湖好景四時同
抱伎樓船日正紅
獨有故人天際遠
兩垞寒樹起西風

其五

別後東垞更結廬
小池新畜數頭魚
君來自育平生樂
日看

青松一作山夜讀書

雨中簡董爾立

吾鄙風期世所推百年今曷聚天涯興來何必晴
相過醉話
山樓雨亦宜

題士采駿馬圖

本畫圖有士采像傍有侍押捧硯

貳師城裏馬如龍戰士將歸詣漢宮
道索新歌奏太廟綠楊
青艸暫嘶風

紫髯學士多賜物
衆耳曾從天廡分
豈念貧交李方叔
與書
高貞券顧朝雲

越城感舊

蚤歲曾從招寶還
近年擊賊過稽山
悲來古廟頻留句
今日重游不忍看

登巖山

巖山山上午風亭
獨倚高崖跨越城
何處最宜人
遠眺鑑湖
秋晚碧雲橫

歲半兒

可笑吾家歲半兒
見翁狂詠謂翁癡
一回呆看有憂色
此意

東坡亦未知

本注吾詩
多傷時語

咏瓶中紅白芍藥

并引 編年入丙戌

余素不喜為此等詩適同社孫幼安寄一篇到山因答以

此然非其質矣

玉牌今世說孫宏字幼聞海寧人幼孤貧奉母氏依外家張送名張孫宏說古質弱

性樂托書飲酒奕棋醉後叫呼胸氣甚急訓童子學拳拳忘勞有不率教則撻之亦自悔寫流涕求近修歎曰孫郎審有氣人遂相攜編交邑之諸名士由是著名崇禎壬午舉于鄉已就選尋宣平教諭未幾卒于隱

絕代名姝因州萊何緣並選入宮來趙家姊弟顏如玉一自

昭陽醉舞回

次日又成 編年

誰道芳容亞牡丹淺紅深白盡凋殘憐新葉舊尋常事掌上

何人不笑看

卷送來詩云
芳容亞牡丹

其二

左設新書右古琴更邀絕色賞知音粉腮紅頰
惟相尋異面同心吾所欽

其三

自離塵土主恩新詔浴華清露半身小妹嬌
慚紅滿面大娘顏厚不羞人

其四

漫將滴水侈恩波紅粉從來薄命多並入春閨
莫相妬使君

已作老頭陀

本注勿安逃新令祝
髮居山菴因戲之

其五

君愛繁華摘一鼓殷勤結束更鮮穠豈知還有根埋土赤白
俱函造化功

奉和季舅父壽母詩

渭陽春酒厚於飴日午殷勤勸數觥亂世天留老姊弟州堂
雲擁衆孫甥

梁溪高聲野封君釀錫酒四嬰報之以詩

編年 又見
沈氏本

風雨瀟瀟一事無故人千里餉春壺豈知病骨瞿曇似非復
當年舊酒徒

其二

君家家醞美難名
新色微黃似雀錫
欲著酒經傳好事
心粗手拙未能成

其三

干戈滿眼路悠悠
百斛春泉寄舊遊
誰料數年人事變
故交

零落半荒邱

本注 琴野餉酒山中自元五而外
如元綏爾雅九華皆作古人矣

其四

家慈八十未全衰
強飲猶能盡百卮
忽發書來狂欲舞
一罍酒報一篇詩

偕老友徐季長再過問玄居看牡丹

編年入戊子

頻日看花看未足春風野外更尋君
百年知己幾回晤又是花開已十分

其二

不寒不暝養花天百朵俱開滿更圓
隔幾日來看愈好紅妝白髮兩嫣然

其三

天然國色美無雙錦綉乾坤賴主張
試譜百花傳信史也須特筆起春王

其四

可憐落拓舊衣冠
頻向人間看牡丹
日暮犬羊攔去路
花前羸骨久盤桓

哭老友徐季長

辛卯八月七日

編年

三十年交如一日

元作轉
眼間

適因喪亂更依然
秋風浙漑承哀

問欲往臨之咽不前

其二

荏苒年華五十強
恠來鬢髮滿秋霜
誤人書史今知否
漫說分明是昊蒼

其三

衰世人情已日新
吾兄厚德復誰倫
生平事事俱堪憶
豈是黃農以後人

其四

風檐辛苦亦生涯
常恨吾儕意轉賒
老大孝廉真悶殺
十年曾未上公車

其五

支離

一作吾

作活嘆恩斯每
憶羣龍下食時
誰道向平吾願畢

白頭終日耻瓶罍

其六

天上脩文事有無可憐懷抱向誰抒

元作生前習
氣未應除

蒼蒼若果

憐才子何似傖兒不解書

其七

靄靄晴空邛路迷角巾芒屨興偏空西風稻子秋將老何處
人間覓杖藜

其八

老年交籍不堪搜何事吾兄又玉樓太止忘情非吾輩洄塘
深處是西州

再過韻弦樓次案頭詩韻

甲午

見沈氏本

百年真似水萍浮
十日重來話舊遊
風雨滿山留我宿
白雲堆裏萬松樓

韻弦山樓憶亡友許元五用前韻

見沈氏本

黯淡雲山雨欲浮
那堪衰病此頻遊
紫髯白面人何處
橫遠一聲風滿樓

初夏庭中玫瑰盛開口占

玫瑰花放大於盤
絕勝懷新紫牡丹
可惜蠶忙剛四月
人間只許病夫看

其二

久病甘為人所棄，交游漸已失生平。庭花何事多情甚，百朵

俱開向老僮。

本建子坐室之西偏，花皆西北向，可怪也。

補遺

許二元乞惜，若成索詩于余，成四絕似之。

辛亥

俗事人間不放來，關門好護幾株梅。園公近日能如約，認是
相知始與開。

其二

風高日落懶觀書，自署齋後日酒徒。客到未空輕入座，問君

能盡幾提壺

其二

此詩與前
寄程於正
第五首約
畧相同

別後園中更結廬小池新畜數頭魚故人若過堪怡悅日好
清談夜讀書

其四

新齋結構自清疎題咏紛紛盡大儒獨我未甘輕下筆啣杯
數問醉曾無

長至前二日過韻荏看雪

白雪紛紛打作堆山翁望見叫奇哉呼僮買酒蒸初熟林外

何人縮項來

其二

獨坐思為訪戴遊衝風冒雪過山頭到樓未暇清詩句且向
窗前倒數甌

團瓢看雪似爾立

布鞵滑蹋上層峯亂石叢中砌一宮拍點君家何處是朦朧
雪樹曉煙中

戲為禾兕改先太子太孫新月詩

同仲

雲邊一曲似銀鈎夜夜懸空釣碧流四海魚龍驕不餌那知

天意本無求

又五絕一首

附見

誰將玉一鈎高挂碧雲頭
指日團圓相光輝徧九州

乾初先生遺集外編

族元孫 敬璋 錄

張楊園先生

瑋室嘉興府志跋履祥緬鄉人字考夫邑庠生潛心程朱之學以居敬窮理為要

陳母葉太君九表壽序

丙申

子與陳子乾初竝遊山陰先生之門以兄禮受陳子有年矣
陳子長予者七載其兄二人皆將杖于鄉矣兄子八人年皆

視予不遠予尋交者為爰立潮生槎光

瑋室家傳腹貞公貢永子枚字爰立号補

菴石門庠生孝章公思永子煌世字槎光号鶴亭邑庠生我旋公祥龍子易字惕非元名錫世字潮生邑庠生並乾初公
之每至陳子家輒見其二子長者為敬之

家傳翼字敬之号敬齋 知學

問今年九月其母葉太君方九十予從諸執爨後奉觴以進
太君出見子之爨而受爵齒髮顏色如七十以下者步不杖
聰明如六十以下者諸孫或先或後從道之不俟引翼余則
何以祝太君蓋夫詩書所歎誦舉世所稱願不能必之天與
人者則愛者多為之祝而庶幾焉今太君之壽上壽矣太君
之身安且寧矣太君之子若孫踰艾而耆矣林立而壯盛矣
抑又賢而好德矣余則何以祝太君不然則將以勉陳子夫
菽水以歡其親其親可以安之於人子之心終有憾陳子家
非富有而衣帛食肉可以不匱太君又不惑于釋老之教却

酒肉以速其衰然或子之不淑毀廉墮節以為親修遠遊涉險以貽親憂亦無如之何陳子飭躬立行不求聞達與其九弟子姪怡怡温温朝夕承事于太君之側則又體養志養無不足也雖然子則終以勉陳子蓋凡本乎天者莫為而莫致故有幸有不幸本乎人者盡人皆可自為而自致而容有不尋自為與不尋自致者則亦有幸有不幸年至期耄而身樂康子孫衆多而養豐給此本乎天者也陳子可謂幸矣多賢而懿德是好本乎人者也陳子可謂幸之幸矣然而德者求之皆我固有而雖聖人猶豐豐焉孟子言三樂次之以仰不

媿天俯不忤人有以也必能盡天之道而後可以不媿于天
盡人之道而後可以不忤于人是以子臣弟及夫子未能而
脩己之盡堯舜猶病也近世學者於道粗知嚮方遂自矜許
上無古人甚至信一人之臆見薄尊聞為流俗足己自賢而
無復求益之意非聖人日進無疆綏其福履之道也夫崇德
之量至于效天而已矣古之人脩身以立命事親也如事天
事天也如事親故德盛而休祥集之陳子據今所至益以懋
脩厥德不自滿假於先民之遺訓篤信精求遜心以從歸于
至善之則以馴至于踐形惟肖而後由事親以達之事天均

為克家之子故曰於時保之子之翼也樂且不憂純乎孝者也以是千百祿而稱無期寧有既乎予故奉觴而祝本乎陳子兄弟子姪之賢而好德廣之天人之說以侑太君之觴雖然子則何以勉陳子

答陳乾初書

別後手諭惓切因年來衰廢益甚課誦之餘心目俱困失於酬復罪甚罪甚弟幼無父兄之教及長雖知秉彝之良不可自枯而沈淪流俗正學未聞信心直往陷於戎狄之道者種種而是悔不可追也即先人葬埋一節夙夜哀痛未嘗不以

情事未申天地閒一罪人為疚為惕乃當時倉皇州率徇俗
畢事自後禍亂相尋不遑改葬至今尚在淺土每一念及如
不欲生往歲嘗以此事實之長兄承教以體魄空靜不空動
未可輕言又歷引鄉里某家一改再改而竟至於終不克葬
又某氏一改再改而水蟻之侵反不如舊所之安以為戒弟
因瞿然而懼又以播遷之餘繼之顛沛貧益有加遂爾遷延
二十餘年每讀古不脩墓勿之有悔以及無財不可為悅諸
書徒為泣然泣下也弟何人斯而敢與謀兄之大事哉顧下
問不可以不塞妄以理勢二字揆之葬之宜深宜堅百世不

易之道也子孫欲為先人計長久謀無窮亦百世之人必同
之心也惟勢則人人各異事事各異弟於尊塋未及登拜亦
未悉諸賢從今日之不欲者所執何端陰陽拘忌之說知其
不足惑矣事力之辨知有所不難矣或者老伯母葬時壽藏
之啓溫燥美善而無水蟻之驗則虞改卜之兆未必有過乎
此與或者主穴附穴一改則必俱改其間歲久者不忍多此
震驚即未久者曠已堅凝不便有事啟鑿與此蓋從兄往者
嘗悔壽藏之虛與亟稱族葬之善推而得之若諸兄之意果
出於此則亦仁孝之用心而未易亟奪者也不得已而思其

次尋母已成之局淡之容有所不能將培之極厚而加封樹
焉猶之淡也竊度尊塋必不至於侈費約其方廣當不數畝
若每歲培土數寸積之十載即有數尺由是而積之不已雖
越尋丈不難至也天下後世即不無滄桑之虞又焉有耕犁
之能及於高壘乎兼此地無業陶者窰井之虞可以不設古
人有言人子於親心雖無窮而分則有限乃事之尋遂與否
其間恆有義命存焉非人之所能為也孝子慈孫亦祇盡其
心之所尋盡與為其力之所能為而不留遺憾焉爾已若非
人之所能為者雖古之神聖亦莫如之何也庸鄙之見知無

足慰兄罔極之心尚惟反覆示教則弟於先人既往之悔猶將取決於仁人之一言也弟於此益信古訓之不可不式而一心之未可全恃以裁決事物也當先人入土之日諸所舉動此心豈以為非是而故為之但以窮鄉末俗習聞近說未知從事博文約禮之學徒信禮義之生於心而不知氣拘物蔽以後之心所知所覺已非禮義之本然據其一時私見目為禮義而執持之孰知所執之禮義者非禮之禮非義之義久而漸將有闡揆以古昔聖賢至當之矩則已臨終身之悔耻而莫可如何此學於古訓乃有獲之一言為百世學者不

易之矩法而後儒單絜心宗動夸精一者其弊適足以張異
熾數彝倫率斯人於無所忌憚而已弟固嘗誦習於此而淡
自悲恨者故因事言之而冀有志於學問者鑒為前車也令
郎氣貌昂昂具見不可一世之意少年若無此種固易入於
流俗但已逾三旬竊意英氣已空斂藏古人所謂盡收湖海
氣者是也相見殊艱不覺縷縷

與陳乾初書

癸丑

仁兄久病弟不通聲問竟五六載同學之誼闕失如此幾於
無復人理顧以歲屢不登遇人艱難百凡俱廢諒知己不以

為咎也往聞令仲子之戚不審老年何以堪此念之痛切而亦不能奔慰徒從知交往來詢無恙而已歎仄歎仄如何如何今夏忽遭大辛兄之變又不特哀知交之彫落已也辛兄志節耿耿人所共欽至其生平願大而識端期將講禮以需明主傳經以佑後人之意尤非人所易及一旦云逝向後孤寡衣食何所仰藉婚姻教讀何所資仗種種空皆朋友之責而幾輩貧困之士率皆不能為力奈何近聞葬事尋其令壻錢亦駁任之而商兄亦有歲恤之米猶尋粗給目下比聞遠近親友多有相與共卹之意此亦辛兄盛德有以尋之於身

後但恐怵惕惻隱之發時移勢改不無難繼之慮因堅石兄
過而相商必尋老成厚德如仁兄者順風而呼相與約為久
要如往時之為工維翁先生及蔡來雲之事使生者有所賴
藉則死者可以安於泉下矣諒亦仁兄之素志及之者也弟
適抱疴兩月率此附懇諸惟仁兄與欲爾潮生諸兄斟酌施
之不具一一

祝月隱先生

釋案明史本傳祝淵字開美海寧人宗正六年舉于鄉十五年抗疏被劉宗周明年遠下

詔獄進士共疏出之未幾都城陷淵詣南京刑部竟前獄尚書諭止之宗周罷官家居淵數往問學杭州失守

淵方莖母趣竣工既莖還家設祭即投繯而卒年三十五

與陳子乾初書

釋案先生年譜宗正癸未秋九月偕陳子乾從學山陰此書當在是年

秋日甚烈舟行頗艱未得尋晤為歎里閭見聞日惡此誠難與力爭惟有脩其本以勝之而已弟決意東遷前所云未氏宅已不可得但尋一椽庇風雨擁書高臥足了此生卜鄰之約吾兄果有意乎中秋前後思踐山陰之約爾時未知得暇否耶上生兄教我近課數首以弟於此道誓不作緣煩兄為

一評騭封還之

二

老伯大舉定是何日弟不能執紼前驅歎何如之昨答吳秋翁東云從古聖賢磨礪鍛鍊俱從顛沛中來媿淵學力脆弱負此一番造就是則可懼餘非所計也辱教弟當書之紳佩時事不可知兄能過我一話亦厚幸也

羣案乾初公於崇正庚午遭覺菴公喪而

於辛未始識先生剛是書當在辛未

三

本注時就遠攜李寄至杭者

羣案先生年譜崇正

癸未年三十三十一月癸丑聞詔北征丙辰纓騎至

嘉興戊午開讀庚

申檻車如京師

諸同人過從道義相勗多有省悟然未昇如吾兄嚴正痛快者矣思昇在險在否總着一分安排不昇委心任運或左或右無非天也乃從而號之曰我將為生我將為死不大感乎兄試後可昇過越臺否客秋曾以先慈行述乞先生筆哀痛先慈勤苦一生未昇表章什一倘先生暇刻煩兄以此為言猶憶先生之言曰孝子事親有第一義在以弟將來生死總不可知不昇不三致意于茲也餘無可念者不更及

四〔本注〕時乾初嫁女借家禮故云
〔瑣案〕乾初公女於甲申冬適童子世琮則此書當在是年

俗事之來只昇耐心做去纔起厭煩便已不是道矣兄以為

何如弟以不能簡事賤體頗不尋平過廿四便可入山過歲
兩日徒居碌碌書卷一經搬徙錯襟無紀近亦為遷葬之舉
欲按古禮行之徧覓家禮不可尋俟三四日後稍稍整頓可
尋奉覽也昨尋張吉人兄來訊深服其造履純篤此真吾輩
之畏友也

瑣業楊園先生初字吉人後更字考去

新正初七八渠必過我約有

渡江之役計爾時兄已尋閒否

陸辛齋先生

寶案州志文苑傳陸嘉淑子水脩明舉人銜
子博覽聲書詩文清麗授筆數十言立就以

父歿于亂棄諸生不應試晚歲遊京師一時名公鉅卿
交相推重文采風流名震輦下或欲薦應宏詞科力辭

不就

和六謙哭乾初

寶案陳氏家傳共禧子文号六謙又
号香泉由安邑丞歷官貴州石所府知

府工書冠

昭代

誦爾哀賢什能無涕泪潜側身長白屋埋骨已青山未許橫
流日淡憂聖道閑十年悲伏枕猶自痛時艱

其二

滔滔天下是莫問此何年或員陳登氣偏求許靖田違時人

慘澹杜足悵流連天意何曾酷吾儕自逆天

其三

浮世馳駒隙彭殤算未殊海濱留故老天下一迂儒長慶詩
頻和蘭亭帖手摹卽論游菽事大雅復誰扶

其四

春溪吾枉棹猶記叩司閤忽已成前事綠知合斷魂風塵增
白髮燈火夢黃昏浩蕩江湖外寒寥不可言

朱止谿先生

環案州志文苑傳表嘉徵字岷左崇正壬午舉人國初署會稽教諭歷叙州推官詩文

卓絕一時著述
百餘卷佚不傳

讀乾初先生遺詩有述

本送時戊午登高日

先生板蕩起王風不羨隆中又剡中
土室長饑傳祖臘寒雲空斷眺歸鴻
生來奉母憐徐穉愛急躬交憶孔融
不媿山陰留述作衣冠仍復照江東

集白

君是孤松凌歲寒騷情那惜倚荷蘭
寧食雪窖千秋筆不負羊裘一釣竿
枉自有詩題甲子尤憐多病憶長安
夜臺應少

知音在恠爾陽春亦罷彈

長勢

張待軒先生 次仲

與陳乾初書

弟居海壖鬱鬱無可語兄來得領塵餘胸次豁然別去非徒
離索之感有難為懷者尊體霍然承歡太夫人之側可為天
樂人而得有天樂世事亦隨緣任之弟與小孫閉門誦讀以
銷餘年天氣清和之時當持尊挈榻與兄巡行話舊於阡陌
間挑紅柳綠菜花黃覺有天然真趣視彼耦耕者孰勝一籌

又

胡汲仲謂子昂書上下三百年縱橫一萬里舉無此書古人

作書萬空天界不欲苟且詭隨故為世推重如此余少壯時
大曾臨摹趙書未能神似足下嘗留心於此久為許淮安所
稱許心中必有所得若無心得日臨百紙形雖似弗似也後
生小子今日操觚擗管明日便傲視儕輩曰我能書我能書
書可易言哉

又

世之所謂孝者欲覓地若眠牛馬嘶為先人決千年之計即
以下子孫奕世之休吾思人生飲啄皆有前定不可強致何
況富貴利達哉且先人云亡其骨已朽欲藉之以邀福祿哉

心所不忍言者世人固此隅見遂至積年越世不尋一親黃
土甚足悲矣讀尊者族墓論破盡向來拘忌之說周禮地官
以本俗六安萬民二曰族墳墓註云生相近歿相逼一族之
人皆葬於此墓大夫掌之而辨其昭穆也古者萬姓葬地皆
可同處不特同姓同氣為然將周魯齊衛燕趙間皆塚壘累
而域比比迄今當無隙地矣而猶豐原曠土之甚多則何故
耶豈秦楚以來屢遭戰士之蹂躪極將之發掘耶或云北方
土厚可以深入久則隱而難見耶大江以南土力淺薄深則
有水當厚培其土然後可以也下缺